

**REGIONAL NEWS UNIT
ALL INDIA RADIO, AGARTALA**

Date: 27-05-2017

Time: 07:35-07:40 AM Hrs

BENGALI MORNING BULLETIN

মন-কি-বাত :

প্রধানমন্ত্রী নরেন্দ্র মোদি আজ সকাল ১১টায় আকাশবাণীর মন-কি-বাত অনুষ্ঠানে দেশবাসীর সঙ্গে মত বিনিময় করবেন। এটি মন-কি-বাতের ৩২তম পর্ব। এই অনুষ্ঠানটি আকাশবাণী ও দূরদর্শনের সমন্বিত কেন্দ্র থেকে শোনা যাবে। এই অনুষ্ঠানের স্থানীয় ভাষায় তর্জমা রাত ৮টায় প্রচারিত হবে।

CBSE :

CBSE পরিচালিত দ্বাদশ শ্রেণীর পরীক্ষায় ফলাফল আজ প্রকাশিত হবে। ছাত্ররা ওয়েবসাইটে ফলাফল দেখতে পারবেন। ওয়েবসাইটগুলি হল www.results.nic.in, www.cbseresults.nic.in, www.cbse.nic.in। এবারের পরীক্ষায় মোট ১০ লক্ষ ৯৮ হাজার ৮৯১ জন প্রার্থী রয়েছেন।

শিক্ষক নিয়োগ :

রাজ্যের স্কুল গুলোর জন্য প্রচুর সংখ্যক শিক্ষক নিয়োগের সিদ্ধান্ত নিয়েছে রাজ্য সরকার। শিক্ষক নিয়োগের জন্য টিচার্স রিফ্রুটমেন্ট বোর্ড অব ত্রিপুরা, TRBT-র পক্ষ থেকে বিজ্ঞপ্তি জারি করা হয়েছে। বিভিন্ন পদে মোট ১৪ হাজার ১৪২ জন শিক্ষক নিয়োগ হবে বলে বিজ্ঞপ্তিতে উল্লেখ করা হয়েছে। এর মধ্যে অস্নাতক শিক্ষক পদ ৬ হাজার ৪২২টি, স্নাতক শিক্ষক পদ ৬ হাজার ৩২৬ এবং স্নাতকোত্তর শিক্ষক পদ রয়েছে ১,৩৯৪ টি। অস্নাতক, স্নাতক শিক্ষক নিয়োগে টেট নেওয়া হবে আগামী ১৬ই জুলাই, এবং নবম-দশম, একাদশ-দ্বাদশ শ্রেণীর জন্য স্নাতক ও স্নাতকোত্তর শিক্ষক নিয়োগে পরীক্ষা নেওয়া হবে আগামী ১৩ই জুলাই।

রমজান :

গতকাল রাতে শেহরি পালনের মধ্য দিয়ে মুসলিমদের ত্যাগ ও সংযমের রমজান মাস শুরু হয়েছে। আজ সন্ধ্যা ৬টা ১০ মিনিটে হবে ইফতার। আগরতলা টাউন জামে মসজিদের ইমাম এই খবর জানিয়েছেন।

নির্বাচন ঘোষণা :

এখন থেকে নির্বাচনে প্রার্থীদের মনোনয়নপত্র জমা দেবার সময় প্রার্থীদের স্বামী বা স্ত্রীরও সম্পত্তির হিসাব দাখিল করতে হবে।

সম্প্রতি আইন মন্ত্রক এব্যাপারে এক বিজ্ঞপ্তি জারী করেছে। এতে নির্বাচন প্রক্রিয়ায় স্বচ্ছতা আসবে বলে আশা করা হচ্ছে।

EVM :

জাতীয়তাবাদী কংগ্রেস পার্টি ও সি পি আই এম আগামীমাসের তিন তারিখে নির্বাচন কমিশন যে EVM হ্যাকিং-এর চ্যালেঞ্জ দিয়েছে, তা গ্রহণ করেছে। কমিশন গত শুক্রবার জানিয়েছে, ৮টি দলের মধ্যে শুধুমাত্র দুটি দল এই চ্যালেঞ্জ নিয়েছে। গতশুক্রবারই ছিল এই চ্যালেঞ্জের জন্য নাম তালিকাভুক্ত করার শেষ দিন।

শৌচমুক্ত :

দেশের তিন ভাগের এক ভাগ গ্রামকে খোলা জায়গায় শৌচ মুক্ত হিসাবে ঘোষণা করেছে কেন্দ্রীয় সরকার। দেশের মোট ৬ লাখ ৫ হাজার গ্রামের মধ্যে দুই লাখ গ্রামে এখন খোলা জায়গায় কেউ শৌচ কর্ম করে না বলে তথ্য দেওয়া হয়েছে। এবছর ডিসেম্বর মাসের মধ্যে ৩০০ জেলাকে খোলা জায়গায় শৌচ মুক্ত অর্থ্যাৎ ODF হিসাবে গড়ে তোলার লক্ষ্যমাত্রা রয়েছে। গতকাল কেন্দ্রীয় মন্ত্রী নরেন্দ্র সিং তোমর নয়াদিল্লী সাংবাদিক সম্মেলনে এই খবর জানিয়েছেন।

জম্মু-কাশ্মীর :

জম্মু-কাশ্মীরের পুলওয়ামা জেলার ত্রাল অঞ্চলে গতকাল নিরাপত্তা বাহিনী সঙ্গে গুলি বিনিময়ে দুই কটর জঙ্গী মারা যান। এরমধ্যে একজন হিজবুল মুজাহিদ্দীন এর কমান্ডার সরজার আহমেদও রয়েছে। এদিকে, বারামুলা জেলায় রামপুর সেক্টরে অনুপ্রবেশের সময় নিরাপত্তা বাহিনীর গুলিতে আরো ৬ জন অস্ত্রাঘাত পরিচয় জঙ্গী মারা যায়।

ভেঙ্কাইয়া নাইডু :

কেন্দ্রীয় তথ্য সম্প্রচার মন্ত্রী এম. ভেঙ্কাইয়া নাইডু গতকাল NDA সরকারের ৩ বছর পূর্তি উপলক্ষে দূরদর্শন নির্মিত ১৪টি স্বল্প দৈর্ঘ্যের ছবি রিলিজ করেন। নয়াদিল্লীতে এক অনুষ্ঠানে মন্ত্রী জানান যে, গত তিন বছরে সরকার জনগণের কল্যাণের জন্য বিভিন্ন উদ্যোগ গ্রহণ করেছে।

প্লাষ্টিক মুক্ত অভিযান :

উদয়পুর পুর পরিষদ এবং মহকুমা প্রশাসনের যৌথ উদ্যোগে উদয়পুর শহরকে প্লাষ্টিক ব্যাগ মুক্ত করে পরিবেশ বান্ধব শহর গড়ে তোলার উদ্যোগ নেওয়া হয়েছে। উল্লেখ্য, আগামী ১লা জুন থেকে উদয়পুর শহরে পলিব্যাগ ব্যবহার নিষিদ্ধ হচ্ছে এবং ২রা জুন থেকে পলিব্যাগ ব্যবহারকারীদের বিরুদ্ধে প্রশাসনের পক্ষ থেকে আইনানুগ ব্যবস্থা গ্রহণ করা হবে।

সাংস্কৃতিক কর্মশালা :

তথ্য ও সংস্কৃতি কার্যালয়ের উদ্যোগে ২৪মে থেকে ডুকলী ব্লকের অন্তর্গত কবি সুকান্ত উচ্চবিদ্যালয়ে শুরু হয়েছে সাংস্কৃতিক কর্মশালা। কর্মশালা চলবে আগামী ১লা জুন পর্যন্ত। এই কর্মশালার সূচনা করেন বিদ্যালয়ের প্রধান শিক্ষিকা। কর্মশালায় বিদ্যালয়ের ৭৫ জন ছাত্র-ছাত্রীকে রবীন্দ্র, নজরুল, সুকান্ত, লোকসঙ্গীত ও নৃত্য এবং আবৃত্তি বিষয়ে প্রশিক্ষণ দেওয়া হচ্ছে।

প্রশাসনিক ও স্বাস্থ্য শিবির :

কমলপুর মহকুমা সদর থেকে চল্লিশ কিমি দক্ষিণ-পশ্চিমে আঠারমুড়া পাহাড়ের আশাপূর্ণ রোয়াজা পাড়ায় গতকাল প্রশাসনিক ও স্বাস্থ্য শিবির করল কমলপুর মহকুমা প্রশাসন। শিবিরে ডাইরিয়া ও ম্যালেরিয়া রোগীদের চিহ্নিত করা হয়। পাশাপাশি-জন্ম মৃত্যু সার্টিফিকেট, বিবাহনিবন্ধীকরণ সার্টিফিকেট, ST সার্টিফিকেট প্রদান করা হয়।

শিশু স্বাস্থ্য :

উদয়পুরের তেপানিয়া পঞ্চায়েত সমিতির শিক্ষা ও স্বাস্থ্য বিষয়ক স্থায়ী কমিটির সভা সম্প্রতি ব্লক কার্যালয়ে অনুষ্ঠিত হয়। ওই সভায় জল সম্পদ দপ্তরের প্রতিনিধি জানান, ব্লক এলাকার টাউন কলোনিতে চলতি অর্থবর্ষে একটি ডিপটিউবয়েল এবং

শালগড়া (উত্তর) পঞ্চায়েতের মধ্য পাড়ায় একটি আয়রন
রিমুভ্যাল প্ল্যান্ট বসানো হবে।

ভার উত্তোলন রাজ্য আসর :

যুব বিষয়ক ও ক্রীড়া দপ্তরের উদ্যোগে আজ থেকে পয়লা জুন
পর্যন্ত শান্তিরবাজারে অনুষ্ঠিত হবে রাজ্যভিত্তিক ভার উত্তোলন,
বল উত্তোলন, মল্ল ও দেহ সৌষ্ঠব প্রতিযোগিতার আসর। আজ
বিকাল সাড়ে ৫টায় শান্তিরবাজার সমর স্মৃতি মাৰ্কেটে এই
প্রতিযোগিতা আসরের উদ্বোধন করবেন যুব বিষয়ক ও
ক্রীড়ামন্ত্রী সহিদ চৌধুরী।

আবহাওয়া :

আজ দুপুর পর্যন্ত আবহাওয়ার পূর্বাভাসে জানানো হয়েছে আকাশ
অংশত মেঘলা থাকবে। বজ্রবিদ্যুৎ সহ বিক্ষিপ্ত বৃষ্টি হতে পারে।
আজ সকালের সর্বনিম্ন তাপমাত্রা ছিল ২৫ দশমিক ৬ ডিগ্রী
সেলসিয়াস। দিনের সর্বোচ্চ তাপমাত্রা থাকবে ৩৪ ডিগ্রির
কাছাকাছি।

.....